

金石萃編

掃葉山房發行
唐駝署

金石萃編卷九十一

賜進士出身 誥授光祿大夫刑部右侍郎加七級王昶議

唐五十一

張安生墓誌

石高廣俱二尺五寸二十八行行二十九字正書
蓋題大唐故張府君墓誌銘九字篆書在西安府

唐故雲麾將軍行右龍武軍將軍上柱國開國侯南陽

張公墓誌銘 并序

鳥能飛万里其有鵬乎魚能吸百川其有鯤乎夫鯤鵬

之處者非滄海而不居非扶搖而不動豈秋濤夕吹而

能加其志焉士有佐世之材者非艱難而不投非 明

君而不事豈斗筭凡類而能効其節焉則我 南陽張

公功可著矣公諱安生譜姝清華門多高士漢有留侯

秘略晉有司空博識累策冠冕暉曜相繼祖諱泰孝諱

貞並儒素隱躬遁跡不仕田園蘊 道於高尚詩書藝

德於風雅後曰公列爵追贈考扶風郡司馬父因子貴

以忠彰孝公駿骨天資偉見神秀拔奇材於衆外先武

略於群石景雲中屬韋氏竊權群凶暴盜擾我黔庶殘

我 王至公乃叶忠謀爲佐弼識 潛龍必躍於雲霄

知牝鷄伏誅於谷質提一劍而直入掃九重以殛諛弄

清京兆之 天重捧長安之 日謀深於周邵功越

於平勃古往已來莫之与正公以功高職卑者志士之

議初退後進者達人之漸故辭公侯之封就戈戟之仕

畢能身榮於紫綬門曜於丹戟得馮異大樹之名免蕭

何小過之責有始有卒其惟公乎遂解褐授果毅二遷

折衝一拜郎將并轉中郎畢于龍武將軍矣食邑九百

戶公歷官無虧公務官要處事有則人莫能犯或 帝

居內宮則警衛嚴肅或 駕行外仗則旗隊克齊其動

也若鷹鷂迴迅其止也狀師席群拂電轉星流比其速

雲迴霞卷處其事暨乎晚載自強不息者繫公而口以

天寶十三載冬十一月十日扈從薨于昭應縣之官第

也享載七十有一初公染疾城中將口湯所左右留勸

任色不從曰吾亦知難保者命但殞隨口君側以表忠

誠亦知易歿者身但死在營間用彰勲節使魂歸 帝

鄉之路心存 皇闕之下願之足矣汝等勿違言畢狀

疾卽行到遂於彼所謂臨事無苟憚臨困無苟免及迴

輓于路誰不傷悼嗣子庭訓等侍疾而捧藥淚枯返恸

而攀輿氣輟夫人太原郡君王氏先公近歿苦蘆猶新

縗經重舉泣地未絕晞天更哀又以翌載春二月十二

日別兆塋于龍首原之禮也素墳上築而永固靈堂下

甃而深堅白雲孤飛招將軍之勇氣綠栢旁植表武士

之

之高節恐陵谷有遷刻銘以記銘曰

鶚之迅兮飛已絕士之勇兮謀且決臨難不懼兮忠臣節奉我 明后兮誅暴殲鵠鵠貴兮鷹行列花萼忽凋兮一枝缺獨有功名兮千載存列石洗銘兮記墳闕

按此碑但稱諱安生而不及其字與張希古碑但稱字而不及諱皆行文之略又希古碑有書人而無撰人此碑則書撰人皆無亦皆刻誌之變例未必取法于漢也碑書祖若父皆無官位其家世寒微可知其云景雲中屬韋氏竊權殘我王室公乃提一劍而直入掃九重以殛謚再清京兆之天重捧長安之日云云此指元宗誅韋氏睿宗卽帝位之事唐書睿宗紀景雲元年六月壬午韋皇后弑中宗立溫王重茂爲皇太子又矯遺詔自立爲皇太后皇太子卽皇帝庚子臨淄郡王隆基卽元宗率萬騎兵入北軍討亂誅韋氏安樂公主等甲辰安國相王卽皇帝位是時張安生不過在萬騎兵中之一人事定之後敘其微勞因授以果毅折衝等官也碑又云天寶十三載冬十一月十日扈從薨于昭應縣之官第唐書元宗紀天寶十三載十月乙酉幸華清宮又地理志京兆府昭應縣有宮

在驪山下貞觀十八年置咸亨二年始名溫泉宮天寶元年更驪山曰會昌山三載析置會昌縣六載更溫泉曰華清宮治陽井爲池環山列宮室又築羅城置百司及十宅七載更會昌縣及山曰昭應碑稱安生薨于昭應縣之官第者蓋扈從百司之第也碑不著安生里居但云墓于龍首原長安志萬年縣有龍首鄉在縣東一十五里當卽龍首原地地理志京兆府萬年縣天寶七載改曰咸寧安生或卽家于此歟碑書譜牒作譜嫌冠冕作冠冕皆別體蕭何作蕭何則筆誤也

少林寺神王師子記

石高三尺三寸五分廣二尺五寸二十六行行三十五行正書在少林寺

勅還少林寺神王師子記

大周天冊萬歲金輪聖神皇帝如意元年迎神王入內其神王元是泥素彩裝其皇帝敬重神王脫空口佇紉以金裝爲年歲多日金薄彫落後開元廿年僧摩羅報以金裝恐後僧徒貴賤不知口由立一小碑述久視元年還神王 勅具錄如後 少林寺 神王二

右去如意之年奉

勅將前件神王入內比不敢陳請今內出功德散与諸寺且少林神王送在大福先

寺但山寺去都稍遠巧至難遇前件神王在少林上

坊普光佛堂今者現闕其大福先口愍得神王一十五

軀望請前件兩軀得還少林今本處尊儀具足冀得幽

山功德不闕莊嚴口往來有所瞻仰謹詣光政門奉狀

陳請以聞伏希 恩旨 久視元年九月十三日

少林寺主義將等狀 僧羅藏 勅好還少林寺

門司李阿毛宣 口監門直長路尙賓 左監

門直長成思貞 押門長上果教杜行敦 周

還少林寺師子 勅一道 少林寺 師子二

師子郎二 右件師子等並是少林寺普光堂前

隨神王功德其神王奉今月十三日 勅還少林

寺爲前狀不別顯師子等福先寺綱維但付神王未付

師子既是隨神王一鋪功德望請將還山供養謹詣

光政門奉狀以聞伏聽 勅旨 久視元年九

月廿九日少林寺主僧義將等狀 勅好 九

月廿九日門司李仁福膝 右監門直長路尙賓

左監門直長成思貞 押門長上果教杜行敦

周少林寺賀師子 勅一道 少林寺僧義

將等言伏奉九月十三日 恩勅賜還神王又奉其

月廿九日 恩勅兼還師子 恩波游委喜懼兼深僧

義將等誠惶誠恐死罪死罪但此功德昔是素裝忽覩

靈姿遂如金飾 龜工再造 天巧自然 神之力巍

巍如是縉徒跼影若攀兜率之宮靈相生光似降莊嚴

之國手舞足蹈倍百恒情無任荷懼屏營之至謹附表

陳謝以聞謹言 久視元年十月日少林寺主僧義將

等上奉 勅好放阿師去 久視元年十月六日門

司陳嘉逸膝 普光堂內一佛二菩薩迦葉阿難及門

外二金剛二神王二師子城內少有傳聞博士姓李名

雅永平年造此尊像奇妙少雙菩薩儀容卒不可有阿

難迦葉貌相肅然合掌虔恭實難希有門外二金剛鳥

鵲不口口承稱說異相屢現其師子者乍著儀容或噴

或喜畫工巧近不可圖容二師子郎常相口口口一鋪

功德不可思議

天寶十四載八月十五日建

普光院立碑僧慶器 修造僧智通法師

同修造僧同光禪師

都維那僧法忍 僧普門 僧智智

僧惠覺禪師 清河張景昇刻字

碑載久視年間僧義將等表狀及武氏口勅碑小非

名筆故諸錄遺之葉并叔官於登封而石刻記亦不

載余至少林周行廊廡見此石嵌置東廡壁間亟捐
得之知考古必須親閱也

金石文字記

張希古墓誌

石高二尺九寸七分廣三尺四分二十二
行行二十二字行書今在吳縣靈巖山館

大唐故游擊將軍守左衛馬邑郡尚德府折衝都尉左
龍武軍宿衛上柱國張府君墓誌銘

并序

鴈門田頌書

噫夫蒼穹不仁殮我能幹德星落彩和璧韜光者歟爰
我所環清河張公字希古晉司空華之裔緒也惟祖厥
父耿逸馳芳兢惕怡然匪干榮祿優遊自得寧霜松之
慘岐巖孤拔挺風雲之氣公負河岳之粹英育辰象之
靈質亭亭高聳遠振雄名傑傑威稜龍城獨步門延賓
侶豈謝季倫精舍樓臺有齊須達加以武略兼著公忠
必聞塵踐榮班宿衛 清禁累遷馬邑郡尚德府折衝
都尉游擊將軍上柱國負外置同正負莫不獻肝膽於
玉階輸腹心於金闕惟謹惟勵不愆不瑕豈啻二豎興
災兩擅排禍藥物無護酷裂所鍾白日長辭黃泉永卦
則以天寶十四載十月十七日終醴泉里之私第春秋
七十有三天寶十有五載四月二日窆于鳳城南樊川
之北原禮也太夫人天水趙氏恭而有禮時稱孟軻之

毋珪璋播美松竹茂心誕三子長日行瑾次日崇積並
武部常選季子談俊衛尉寺武器署丞嗚呼誰免乎榮
枯適觀全盛今已淪俎梁木折太山頽三子腸斷二女
情摧咄嗟人代天道邇邇其詞曰

公之英聲振區宇兮公之勇義如龍席兮彼上蒼蒼何
不仁兮僉殞我之至所環兮泉門此日一關問兮玉顏
何春再相訪兮表余平生情懸至兮飭琬璽以鑒銘記
子

天寶十五載歲次景申四月甲申朔一日甲申建

碑載府君字希古不言其名曾爲馬邑郡尚德府折
衝都尉馬邑卽朔州唐書不及府名亦可以補史之

缺

關中金石記

唐之府兵皆隸於諸衛左右衛領六十府諸衛領五
十至四十其餘隸東宮六率此尚德府則左衛所領
也尚德府領于左衛而又稱左龍武軍宿衛者蓋番
上宿衛時別有配隸非必就本衛爾希古子二人俱
武部常選天寶十一載改兵部曰武部故也

潛研堂金石文

跋尾

碑爲田頌行書寶泉述書賦有販書人田頌注云長
安人志凡識滯疑卽此人但寶云長安人而此題曰

雁門爲不同編賦術

誌云清河張公字希古晉司空華之裔孫也書字而

不書名未審當日何所避忌遂使後世不知其名也

歷官有云累遷馬邑郡尚德府折衝都尉游擊將軍

上柱國員外置同正員新唐書兵制太宗貞觀十年

號統軍爲折衝都尉別將爲果毅都尉諸府總曰折

衝府凡天下十道置府六百三十四皆有名號杜牧

折衝果毅府五百七十四會要云關內置今此誌尙

府二百六十一又置折衝府二百八十德府亦當時名號可見者其他如姚懿碑貶授晉州

高陽府折衝都尉臧懷恪神道碑七子內有游擊將

軍崇仁府折衝希崇漁陽郡君李龕銘有轅轅府折

衝都尉郭敬之廟碑有雍北府金谷府碑陰有成阜

府興德府魯陽府李輔光墓誌有涿州仁賢府張詵

墓誌銘祖元植皇朝盧龍府折衝田琬德政碑以功

授合黎府別將歷果毅轉折衝皆不可更僕數宜類

舉以與史志相證也投堂金石跋

房史君題記

石高一尺六寸七分廣三尺五寸

太原王□□□人名□□□仁□□□□□□□書

中郎守武興郡四境山嶠嶠構新亭迺佳實曰翠峯景

寔真唐天寶房史君上錫其刊堅珉亭之右名不泯

按文凡六十二字而泐其十四字存者皆三字爲

句二句一韻中有守武興句武興者卽今碑所在

之略陽縣屬今陝西漢中府魏正始三年置武興

鎮尋改置州郡郡有北谷水水經注云北谷水出

武興東北而西南流逕武興城北又南轉逕其城

東而南與一水合是也又方輿勝覽武興山在興

州西一里古興州城于此隋大業初改順政郡唐

時爲興州順政郡屬山南西道此武興之可攷者

如此至翠峯亭及房史君皆無攷据文有天寶字

附天寶末年

憫忠寺寶塔頌

碑高五尺廣三尺二寸二分左行二十二行行字三

十七至四十二不等行書在京師憫忠寺今名法源

寺

范陽郡憫忠寺 御史大夫史思明奉爲 大唐光

天大聖文武孝感皇帝敬无垢淨光寶塔頌

范陽府功曹參軍兼節度掌書記張不矜撰

承奉郎守經略軍曹參軍蘇靈芝書

惟唐紹統子歲作噩天宅幽都子鎮戎索彼命啓与禪

寶殿在璿衡以正乾坤握金鏡子臨宇縣東宅四水西都八川天應景福億萬斯年神祇盱眙而丕祐風化洋溢而昭宣凝心姑射既邁黃軒之理端思真境高撫洪崖之肩迺出三界起居四禪我御史大夫忠而孝愍而賢碑 我唐祚崇斯福田昔在棘城結額已修於寶塔屬茲版蕩除惡務靜於幽燕開拓郡縣馳突戈鋌咸荷威力掃逆清邊樹茲幢相遊刃忘筌剖淨貲以檀捨施珍俸於慈緣爰居爰處載詢載度雍金界於祇園擇伽藍之勝託徵郢匠稽朴鄧具鈎繩備丹牘才生明而畚鍤攸莘月貞明而陶甌斯作堅峻砌而崛起堂皇聚楨榦而上千寥廓尔其庀徒有卽力工惟時隱金推以雷動走餽餽以星馳楶之登登斗拱磊砢以扶衛築之閤閣甃甃蘇羅而緝熙駢密石以䟽趾齊玉璫以鎮睡斑閒布白九隅八維風伯雨師扣靈壇而請命雷公電女擁仙座以忘疲焄如聚鴈赫若奔螭炭業天假髣像神資千龕擲比以攢構万塔陵兢而護持觀其捫重局披藻井鴻蒙異狀啗咤靈影霞駭雲蔚陽舒陰靜遊三界而須臾視一切而俄頃示大方便開大法境聞偈而刀輪折鋒承風而火弄收猛疑若蠹樓之孤秀皎類扶桑之映迴蓮花吐日攢太華之三峯香鑪抱雲矗盧巖之

一頂若乃八部經行万万委口離火宅啓機喻魚貫爭上鴈行齊赴隣穹崇陟迴乎嗜真如者搏級聚武而踟行慕釋猷者帖虛口倅而徐步攀焚燎以失視援并幹以增懼龍爲翕赫狀構榼而蓄威鬼神睚眦捫頰辟以含怒將以經啓万祀永代作固置咒於梵剎之中釋網於毗耶之路啓招提之勝果祛樊籠之縲羶行善者口痒而爭趨爲惡者震慄而憂怖逗塔影者洽背而魂悚聞鈴音者叩頂而心注是用敬 我天威保 我唐祚彼憧相之微福荷无疆之率裕也客有叩虛幕府忝搢神州媿三語之默對歸八解之神流歸然寶塔永費鴻猷護鵝珠以守戒持鵠稱以精修刻字金版垂芳朔幽雲行雨施自公乃侯永錫難老厥德允修恭察視之 嚴命敢不拜敷 王休

至德二載十一月十五日建

此蘇靈芝爲史思明書也思明爲臣則助逆爲賊則弑主篡位乃唐之所不宜存其跡者易人之傳其碑無亦以妙札之故今觀其字掄有李顏二家而視北海則加莊視太師又多雋誠足述也

墨林快事

宋文惟簡虜庭事實曰燕京城東壁有大寺一區名曰憫忠唐太宗征高麗回念忠臣義士沒於王事者

建此寺爲之薦福東西有兩磚塔高可十丈是安祿

山史思明所建此碑稱御史大夫史思明奉爲大唐

光天大聖文武孝感皇帝敬无垢淨光寶塔頌者是

也春明夢餘錄曰此碑蓋建於思明初歸附之時其

碑完好近日劉同人名作帝京景物略謂碑上半斷

裂不可讀且蘇靈芝書名甚著當時乃謂爲李北海

自鐫名尤誤之甚不知北海自鐫名乃伏靈芝也此

碑書丹于石故以左爲前 舊唐書肅宗紀至德二

載十二月己丑賊將僞范陽節度使史思明以其兵

衆八萬與僞河東節度使高秀巖並表送降三載正

月戊寅上皇御宣政殿冊皇帝尊號曰光天文武大

聖孝感皇帝二月丁未大赦天下改至德三載爲乾

元元年今此碑建於二載十一月而已稱尊號又以

大聖字移在文武之上與史書不合 宣和書譜蘇

靈芝儒生也嘗爲易州刺史郭明肅書候臺記靈芝

行書有二王法而成就頓放當與徐浩鴈行戈脚復

類世南體亦善於臨倣者 子後至燕一日與鄆人

萬言同至憫忠寺諦觀此碑萬曰前行大唐光天大

聖文武孝感皇帝及中間唐字史思明字類磨去重

刻者石皆凹而首行憫忠寺上元只二字今改范陽

郡三字蓋思明復叛之後磨去之及思明誅後此地

歸唐後人重刻者也當日君臣之分殆如奕綦然非

親至其下摩挲遺石而徒揭紙上之字未有能得其

情者若年月尊號之先後亦從此而無疑矣金石文

按唐史肅宗至德二載安祿山已死安慶緒忌史思

明之強遣安承慶安守忠阿史那往徵兵因密圖之

思明納判官耿仁智等之謀乃囚承慶等以所部十

三郡及兵八萬來降上大喜以思明爲歸義王范陽

節度使未幾後叛此碑乃建於初歸附之時而以媚

唐也庚子鎔

右憫忠寺寶塔頌宛平孫侍郎耳伯著春明夢餘錄

崑山顧處士寧人金石文字記皆論之余往觀焉碑

首范陽郡守字史思明三字次行大唐等十二字文

中雜唐紹統及彼命啓與禪虞又東宅四水西都八

川暨唐祚字至德二載字其文深陷然書法實出一

人始悟侍郎處士所云猶未爲定論也考思明之降

在至德二載十二月至明年正月肅宗始加尊號二

月乃赦天下改元碑旣建于二載十一月不應預書

尊號又思明初附肅宗授以歸義王范陽節度使若

碑建于降後宜大書王爵不當祇稱御史大夫則是

碑之建蓋在思明未降唐之先范陽郡三字其初本
二字祿山僭稱范陽爲東都必東都也大唐一行其
初必祿山父子僞號文中唐字其初必燕字而至德
二載其初必祿山父子僭號之年無疑載攷安慶緒
襲位賜思明姓安名榮國迨既降附復更舊名因命
靈芝改書者爾碑文以左爲前寧人謂書丹于石之
故疑從祿山俗尙未可定也不矜與判官耿仁智同
僚思明之將復叛也表請誅李光弼不矜實爲起草
辭曰陛下不爲臣誅光弼臣當自引兵就太原誅口
及將入函爲仁智削去思明知之遂執二人仁智死
不矜度難獨免可知已當日思明降而復叛既誅之
後唐人見其碑踣之惟恐不力安有反勒其名于石
者乎此其事之所必無也

曝書亭集

按朱彞尊之辨詳矣然尙有未盡者原碑至德二載
四字亦係改刻至字微有聖字形載字微有年字形
祿山僞建元聖武至德二載字先必聖武某年字也
蘇靈芝署銜經略參軍經略字亦改刻其先或署僞
官也又改刻除惡務靜句除惡字至行末以二字佔
用四字格務靜字另行以二字佔用三字格除務靜
三字係就文陷刻而惡字則石面平添者疑原文諛

逆之辭有擡頭空格迨後滿格填湊故參錯若此字
形欹斜而長不復成書也其地改刻之字如唐紹統
兮兮字斗拱字唐祚字鎮匪匪字皆朱彞尊所未按
又除惡務靜靜字朱彞尊誤鈔作盡字髣像像字誤
鈔作髣字今一依原碑校正又原碑以首行十六字
佔用十八字格金石文字記謂改刻者止於大唐光
天大聖文武孝感皇帝十二字而不知敬元垢淨光
五字亦改刻者也以碑末聖武僞元字考之則首行
必爲祿山僞號朱彞尊之說允無疑矣碑在本寺方
丈前穿廊東壁上石質堅瑩唐碑之最完好者

定四下
舊聞考

頌范陽府節度掌書記張不矜撰不云范陽郡而云
府者蓋祿山僭號之後改郡爲府爾蘇靈芝署銜云
承奉郎守經略軍曹參軍按唐書地理志幽州城
內有經略軍百官志諸軍各置使一人軍皆有倉兵
曹三曹參軍事故經略軍得置曹曹也三
潛研堂全
石文跋尾
頌由史思明既降爲肅宗作也按舊唐書肅宗紀思
明以至德二載十二月己丑表降然此頌已載十一
月則當時尙未臣順兇徒豈肯早爲稱祝蓋思明既
欲歸命遂先以此貢媚爲容身之具亦或然也或云

至德二載字凹陷亦似後重刻者此又不然頌內明
言作噩繼統據爾雅歲在西曰作噩至德二載正爲
丁酉蓋必無誤也若稱肅宗尊號以大聖字移文武
之上與史不合則如顧君云思明誅後此地歸唐後
人重刻者近之 頌文自左起其文則范陽府功曹
參軍兼節度掌書記張不矜換舊唐書地理志范陽
郡爲大都督府功曹列於府屬是宜結銜變文言府
矣不矜見史思明傳令耿仁智張不矜修表請誅光
弼以謝河北者修表即書記之任也與碑可相證後
又列承奉郎守經略軍曹曹參軍蘇靈芝書新唐書
地理志范陽郡城內有經略軍今此題與志合而靈
芝當開元二十七年猶稱前行易州錄事_{鎮撫使}至此
爲經略軍之屬蓋亦以_{授堂金}導引置幕下矣_{石跋}

思道禪師墓誌

石高二尺一寸八分廣二尺七分十一
行行二十字至二十五字不等行書

威神寺故思道禪師墓誌

和上俗姓師諱思道絳州夏縣平原人也天縱其志七
歲出家人推其聰十八剃髮事人不事爲人不爲同鵠
巢于頂之年護浮囊無缺之日次就有德轉相師師禪
行法門戒律經論耳目聞見紀之心曾緇錫來求管裾

欽仰聽習者鶴林若市頂謁者庶苑如雲去至德二載
春秋八十有一僧夏六十一時催二鼠妖纏十夢其年
十二月示身有疾隨爲衆生其月二日禪河流竭坐般
涅槃驚慟知聞悲覃飛走孫威神寺主僧承嗣五內摧
裂躡踵攀號聲竭潸然淚盡續血至乾元元年十二月
二日遷于條山之側胄子塏頭禮也詢問其地取人不
爭塏柱東橫汾河西澍青臺鎮北鹽池臨南率尔塏頭
卜擇安厝雖則天長地久而恐代異時移陵谷改遷斯
文不謬其詞曰

緇門積豐寶樹崩摧法涓蓮坐魂滋夜臺條山陰麓歸
然堤頭碧巖引吹清澗繞流和上登兮舊賞功匠典兮
今修建崇塔兮數仞墜金骨兮千秋

按碑云絳州夏縣平原人也唐書地理志夏縣本
隸虞州貞觀十七年隸絳州大足元年屬陝州尋
還隸絳州乾元三年復屬陝州此碑刻於乾元元
年其時夏縣尚屬絳州也平原者地理志絳州絳
郡注云有府三十三其一曰平原碑又云遷于條
山之側條山卽中條山也在虞州解縣元和郡縣
志山在解縣南二十里縣東十里_{有鹽池碑又云}
鹽池臨南者是也

通微道設碑

碑高七尺三寸廣四尺十四行行三十二字後
重刻記四行行四十餘字行書在三原大化觀

御製

人者道之子道者人之母子不知母謂之不孝人不識
道請之至愚故上士能動行下士唯大笑背道求道從
迷至迷且隄在水中水爲隄命人在道中道爲人生道
去則人亡水竭則隄困不知卽身以求道而乃徇福以
喪真何其誤歟遂積不義之財以爲布施棄無爲之教
別云修善豈知善本破惡不合邀名施本濟人不合求
報哉求道者以心爲舟以信爲車車用在於運舟用在
於虛常取不足勿求有餘靜心而不繫者虛舟也運動
而不倦者信車也今將告爾以應言之首施勿求福而
福自至齋勿貪功而功自備心勿向邪而道自致施而
求福福必不足齋而貪功是謂有欲向邪求道是謂聾
俗忠者臣之分孝者子之心柔弱爲趨道之津誠敬乃
入真之馭不益己不損物以不貪爲寶以知足爲富內
保慈儉外能和同念身何來從道而有少私寡欲衷心
註應若然者可謂勤行之士爾其勗哉尔其勗哉夫大
道坦坦生身不遠修之於身其德乃真尔當填汝身洗
汝心內養五神外合一氣去萬惡增萬善長生久視汝

靡波真經之旨畢於是不死之方盡於是爾其勗哉

大唐乾元二年六月十五日於大同殿奉 詔賜道

訣碑乃唐 明皇御製文舊碑卽 肅宗皇帝勅道

士達觀大師楊重鸞於渭北 大化觀立石者示有

思也奈歲久缺裂字句不完讀者疑難故補上此石

新舊兩存使觀者見口明理自有所得而不失正路

學者可從此入其於教也豈小補哉亦見古之聖王

急於救物之心深矣遂矣修習之士不口不知戊午

歲人日本觀住持楊思聰謹記

知大化觀事毛致靜重立石 李志口 蒲志常鐫

庫主田志秀

右通微道設七十五句前云御製後云大唐乾元二

年六月十五日于大同殿奉詔賜無書人姓名按諸

爲明皇製碑爲肅宗敕道士達觀大師楊重鸞于渭

北大化觀立石歲久字泐知觀楊思聰補上此石設

語皆五千言之糟粕演而成訣耳王者寡欲清心納

身輒物自然清明在躬志氣如神安用孜孜于真經

之旨不死之方也哉

金石錄補

按原碑立于乾元二年歲久缺裂戊午歲人日知

大化觀事毛致靜重刻楊思聰記不言何代之戊

午關中金石記以為元時當必有據是仁宗延祐五年也

縉雲縣城隍廟記

碑高五尺七寸廣三尺七分八行行十一字篆書在縉雲縣

城隍神祀典無之吳越有之風俗水旱疾疫必禱焉有
唐乾元二年秋七月不雨八月既望縉雲縣令李陽冰
躬禱于神與神約曰五日不雨將焚其廟及期大雨合
境告足具官與耆耄羣吏人自西谷遷廟于山巔以答
神休

釋文

城隍神祀典無之吳越有之風俗水旱疾疫必禱焉有
唐乾元二年秋七月不雨八月既望縉雲縣令李陽冰
躬禱于神與神約曰五日不雨將焚其廟及期大雨合
境告足具官與耆耄羣吏人自西谷遷廟于山巔以答
神休

唐乾元中李陽冰嘗宰是邑邑西山之巔有城隍祠
碑刻實所為記與篆也陽冰以篆冠今古而人爭欲

得之昨緣寇攘殘缺斷裂殆不可讀偶得紙本於民
間遂命工重勒諸石庶廣其傳亦足以使之不朽也
大宋宣和五年歲次癸卯十月朔承信郎就差權處
州縉雲縣尉周明 迪功郎就差處州縉雲縣主簿
費季文 將仕郎處州縉雲縣丞李良翰 文林郎
就差處州縉雲縣令管句勸農公事吳延平 立
右城隍神記唐李陽冰撰并書陽冰為縉雲令遭旱
禱雨約以七日不雨將焚其祠既而雨遂徙廟于西
山陽冰所記云城隍神祀典無之吳越有爾然今非
止吳越天下皆有而縣則少也

集古錄

陽冰篆城隍祈雨碑曰字如日顛上作山李氏三墳
碑敢下作身志歸堂庶子泉皆石下作口修廟碑曾
下作甘建字從艮而喜作乙若此類不可以陽冰之
蹟尤而效之人字本有刀几二體陽冰合之象俯身
曲脛於理則通女字象形陽冰曳為兩足以取稱頗
非象形之初意子字象小兒圓頂鍾鼎至以丁點象
其頭而四布其畫以象手足陽冰喜破圓作鉤使足
足二體不分要非子字之正主字象燈之炷陽冰或
卧其上炷釜上從多陽水中畫常正橫作ノ无象反
欠九氣上皆三畫陽冰亦謂象人開口作ノ然次象

開口猶可也。豈安步也。何取於開口乎。今篆者于二

字多從水體。熊朋來經說

李陽冰為縉雲縣令。值旱禱于城隍。約五日不雨。將

焚其廟。及期而雨。乃還廟。而記其事。書固奇事。亦奇

余觀其篆。瘦細而偉勁。飛動若神。歐陽公以為視陽

冰他篆最瘦。余謂佳處正在此。又云。世言此石與忘

歸臺孔子廟三石俱活。歲久漸生刻處。幾合。故細若

然。今去歐公又四五百年。寧不為無字碑乎。記云。祀

典無城隍神。吳越有之。至歐陽公云。天下皆有。縣猶

少。今則無。縣無之矣。且記云。自西谷遷廟于山巔。又

以見城隍廟前朝不必在城中也。今西安府西村落

大者多有城隍。是其遺意。石曼卿華

五日不雨。日字以目為日。篆法日从○象形也。目古

三切。從口含一。象口含物也。又山宜作山。今作山。乃

端豈等字之頭皆誤。竹雲題跋

右縉雲縣城隍廟記。城隍之神不見于古。左傳祝宗

用馬于四鄰。又云。祈于四鄰。杜預以為墉城也。城隍

之有祀也。其濫觴于斯乎。北史慕容儼鎮郢城。城中

先有神祠一所。俗號城隍神。隋書五行志。梁武陵王

紀祭城隍神。將烹牛。忽有赤蛇繞牛。口祀城隍神始

見于此。至唐而益盛。故張說有祭城隍之文。杜子美

詩有賽城隍之句。然猶不列于祀典。少溫記文可證

也。歐陽公跋云。今天下皆有。而縣則少。是宋之城隍

祠又盛于唐。而縣猶不皆有。祠明洪武初。從禮臣之

請。加以封爵。京都城隍曰昇福明靈王。府曰威靈公

州曰靈佑侯。縣曰顯佑伯。未幾詔去封爵。祇稱某處

城隍之神。京都歲遣太常寺堂上官行禮。諸府州縣

則守令主之。而祀典通于天下矣。潛研堂金石跋尾

縉雲縣城隍廟碑文。唐李陽冰撰并篆。書碑形上圓

下方。後楷書。宜和重刻。年月立石。人官爵姓名下截

一格。缺蝕三字。微存偏傍。可意會也。文只八十六字

而敘述禱雨遷廟二事。義意已足。古人作文言簡意

該于此。可見山農需雨多在盛夏。此自七月不雨至

八月既望始行禱祀。以今日情事較之。則亢旱成災

已不可支矣。豈今昔農事亦遲早異候耶。縉雲治當

婺女括蒼之交。山水奇秀。燕坐衙齋。如作仙吏。余嘗

遊其境。徘徊不忍去。惜匆遽。經過未暇。搜剔苔蘚。一

讀遺碑。碑作于乾元。迨宋宣和禩逾三百而已。遭寇

攘斷裂。宜和至今閱歲倍于前。而完好可讀。若有鬼

神呵護之者。碧溪文集

按城隍二字始于易之城復于隍其後則修治宮室繕繕城隍語見後漢書班固傳六朝以降凡言城隍皆繕治備禦之事唐書百官志職方郎中員外掌地圖城隍鎮戍烽候防人道路之遠近六典祠部郎中員外掌祠祀享祭司中司命風師雨師衆星山林川澤五龍祠等及州縣社稷釋奠爲小祀而皆不及城隍之在祀典據此碑則爲風俗之所尚而亦惟吳越之所有也五代梁初吳越錢鏐嘗于鑾東軍今紹興府卧龍山上重建牆隍廟奏請以故唐右衛將軍總管麗玉爲牆隍神封崇福侯撰文并勅勒石廟中文見紹興府志及吳越裔孫錢文瀚所纂吳越錢氏志其稱牆隍者吳任臣十國春秋曰歐公五代史梁本紀注梁嘗更戊曰武朱溫父名成戊字類成故改之城之改牆亦此類也據牆隍廟碑稱吳越重建則在唐時已先有廟而請封麗玉爲神則始見于錢氏陽冰此碑未嘗云有人爲神也陽冰兩唐書無傳惟見於宰相世系表趙郡李氏出自秦司徒曇次子璣裔孫行敦離狐主簿行敦子懷一晉陽尉懷一子雍門湖城令雍門子長湜次澣字堅永刑部侍郎次卽陽冰將

作少監宣和書譜稱陽冰字少溫述書賦注云陽冰趙郡人兄弟五人世系表只三人此疑訛皆負詞學工于小篆初師李斯嶧山碑後見仲尼吳季札墓誌便變化開闔如虎如龍李肇國史補云陽冰自言斯翁之後直至小生曹喜蔡邕不足言也墨池編云陽冰雅好書石嘗貽書李大夫願刻石作篆備書六經立於明堂是曰大唐石經志不克就金石錄謂陽冰在肅宗朝所書時年尙少故字畫差疎瘦至大歷以後諸碑皆暮年所篆筆法愈淳勁然則此碑書于乾元二年尙非暮年淳勁之筆矣陽冰嘗論書勢筆法所禁撰翰林蔡經八卷見郡齋讀書志又推原筆法別其點畫著筆法論見宣和書譜因史無專傳故詳識之縉雲縣今隸浙江處州府縣治四面環山不立城郭廟在山巔與在城中無異石墨鐫華蓋未悉廟之所在也

金石萃編卷九十二

賜進士出身 誥授光祿大夫刑部右侍郎加七級王昶謨

唐 五十二

郭氏家廟碑

碑高一丈八寸廣五尺一寸三十行行五十八字正書今在西安府布政司署中

有唐故中大夫使持節壽州諸軍事壽州刺史上柱國

贈太保郭公廟碑銘

并序

御題額

金紫光祿大夫檢校刑部尚書上柱國魯郡開國公

顏真卿撰并書

昔中伯翰周降神於維嶽仲父匡齊演慶於筮淮而猶見美詩人騰芳史筭豈比夫神明積高之壤百二懸隔之都三峯發地而創成九派浮天而噴激炳靈毓粹奔葉生賢括宇宙而口和摠河山而蘊秀莫與京者其唯郭宗乎其先蓋出周之號叔號或爲郭因而氏焉代爲太原著姓漢有光祿大夫廣意生孟儒爲馮翊太守子孫始自太原家焉後轉徙于華山之下故一族今爲華州鄭縣人夫其築臺見師座子致養家承金穴之寶政有露冕之高或慙或謀或肅或父皆海有珠而鳥有鳳也闕聞之盛其流益光隋有金州司倉諱履球府君懋

其德輝不胥下位克己復禮州邦化焉篤生

唐涼

州司法諱昶府君能世其業以伸其道遠近宗之不隕厥問生美原縣主簿贈兵部尚書諱通府君清識澈照博綜羣言始登王畿鬱有佳稱道悠運促靡及賁仕垂于後昆毖而見尊是生我諱敬之府君府君幼而好仁長有全德身長八尺二寸行中潔矩聲如洪鐘河目電照虬鬚蝟磔進退閑雅望之若神以仲由之政事兼翕歸之文武始自涪州錄事參軍轉瓜州司倉雍北府右果毅如游擊將軍申王府典軍金谷府折衝兼左衛長上原州別駕遷扶州刺史未上除左威衛左郎將兼監牧南使渭吉二州刺史侍中牛仙客趨君清節奏授絳州遷壽州累加中大夫策勳上柱國以天寶三載春正月十日遭疾終于京師常樂坊之私第春秋七十有八乾元元年春二月以公之寶壽開府儀同三司司徒兼中書令柱國汾陽郡王日子儀有大勲于

王室乃下

詔曰故中大夫壽州刺史郭敬之果君

子之行毓達人之德才光文武政美中和生此大賢爲我良弼頃以孽胡稱亂黔首罹殃朕於是鬱興神武之師克掃攘搶之氣而子儀師彼勁卒赫然先驅口京洛如拾遺剪兇殘猶振槁功存社稷澤潤生人是用寵洽

哀榮義申存歿可贈太保於戲府君體含宏之素履秉
冲邈之高烈言必主於忠信行不違於直方清白爲吏
者之師死生敦交友之分端一之操不以夷險繫其懷
堅明之要不以雪霜易其令用情不間於踈遠泛愛莫
遠於賤貧拳拳服膺終始靡二故所居則化所去見思
人到于今稱之斯不朽矣傳曰德盛必百代祀其有後
也宜哉恭惟令公

先皇之佐命臣也少而美秀

長而瓌偉姿性質直天然孝悌寬仁無比騎射絕倫所
莅以清白見稱居常以經濟自命弱冠以邦鄉之賦驟
膺將帥之舉四擢高第有聲

前朝三爲將軍兼守

大郡累典兵要必聞休績天寶末安祿山反于范陽令
公以節度使擁朔方之衆圍高秀巖于雲中破史思明
于嘉山

先帝之幸朔方赴

行在于靈武擊

同羅于河曲走崔乾祐于蒲坂

今上之爲元帥

也首副旄鉞會迴紇于扶風摧兇寇于汶水退餘孽于
陝服長駟河洛弼成

睿圖再造生靈克清天步又

函夏之未乂安天下之不安一年之間區宇大定丕休
哉徒觀其元和降精間氣生德威星辰而作輔應期運
以濟時忠於國而孝於家威可畏而儀可像盛德繁物
寬身厚下用人由己從善如流沉謀秘於鬼神精義貫

於天地推赤誠而許國冒白刃以率先霆擊於雲雷之
初鷹揚乎廟堂之上大凡二歷鼎司兩升都座四作元
帥九季中書歷事

三聖而厥德維懋易相二十

而受遇益深蓋起復上都者再載定東京者一其餘麾
城擲邑得傳推鋒亦非遽數之所周也信可謂王國城
虎生人廕庥者歟非太保之遺種不孤則何以鍾美若
是况乎友于著睦魯龍虎者十人貽厥有光紆青紫者
八士勲庸舉集今古莫儔昔喬宇尊榮紅粟纓落於萬
石憚家全盛朱輪不出于十人碌我觀之事不侔矣於
乎清廟之興所以仁祖考鴻伐之刻亦以垂子孫爰矧
製於舊居將永圖而觀德中唐有無丕構克崇威霜露
而怵惕以增叙昭穆而敬恭斯在庶乎觀監若既無
數於永懷入室優然必有觀乎其位哀榮既極情禮用
申仁人之所及遠哉孝子之事親終矣豈唯溫溫孔父
遠稱僂鼎之銘穆穆魯侯獨美龍旂之祀其詞曰
郭之皇祖肇允號土逮于後昆實守左輔徙華陰兮其
源長流光施于司倉涼州兵部克熾而昌載德深兮其
篤生太保允口口道神之聽之永錫難老式如金兮其
於穆令公汾陽啟封文經武緯訓徒陟空簡

帝心

兮其舍一不二格于天地愷悌君子邦之攸懸貺德音